

**BOSNA I HERCEGOVINA**  
**FEDERACIJA BOSNE I HERCEGOVINE**  
**UNSKO-SANSKI KANTON**  
**GRAD BIHAĆ**  
**GRADONAČELNIK**

Služba komunalne djelatnosti,  
vode i zaštitu okoliša

Broj: 04/1-23-\_\_\_\_\_/18

Bihać, 17.10.2018. godine

Na osnovu člana 183. stav (2) Poslovnika Gradskog vijeća Bihać („Službeni glasnik Grada Bihaća“, broj: 3/16), Gradonačelnik Bihaća u svojstvu predlagača propisa i drugih akata

**O D R E Đ U J E**

Za izvjestioce:

- Amelu Redžić, dipl.pravnik, predsjednica Nadzornog odbora JKP “Komrad” d.o.o. Bihać
- Vida Šantić, dipl.oec., direktor JKP “Komrad” d.o.o. Bihać

na sjednici Gradskog vijeća i radnim tijelima po prijedlogu tačke dnevnog reda:

- Prijedlog Zaključka o davanju saglasnosti na Odluku Nadzornog odbora JKP “Komrad” d.o.o. Bihać, broj: 2453/18 od 10.09.2018. godine za kreditno zaduženje JKP “Komrad” d.o.o. Bihać

Gradonačelnik  
Šuhret Fazlić

**BOSNA I HERCEGOVINA**  
**FEDERACIJA BOSNE I HERCEGOVINE**  
**UNSKO-SANSKI KANTON**  
**GRAD BIHAĆ**  
**GRADONAČELNIK**

Služba za komunalne djelatnosti,  
vode i zaštitu okoliša

Broj: 04/1-23-\_\_\_\_\_/18

Bihać, 17.10.2018.godine

Gradsko vijeće Bihać

- o v d j e -

PREDMET: Prijedlog Zaključka o davanju saglasnosti na Odluku Nadzornog odbora  
JKP "Komrad" d.o.o. Bihać, broj: 2453/18 od 10.09.2018. godine za kreditno  
zaduženje JKP "Komrad" d.o.o. Bihać, dostavlja se

Na osnovu člana 52. Statuta Grada Bihaća ("Službeni glasnik Grada Bihaća", broj: 13/15) dostavljam vam na razmatranje Prijedlog Zaključka o o davanju saglasnosti na Odluku Nadzornog odbora JKP "Komrad" d.o.o. Bihać, broj: 2453/18 od 10.09.2018. godine za kreditno zaduženje JKP "Komrad" d.o.o. Bihać,

**O b r a z l o ž e n j e**

*Pravni osnov:*

Pravni osnov za donošenje Zaključka o davanju saglasnosti na Odluku Nadzornog odbora JKP "Komrad" d.o.o. Bihać, broj: 2453/18 od 10.09.2018. godine za kreditno zaduženje JKP "Komrad" d.o.o. Bihać, sadržan je u:

-članu 2. tačka 41) Zakona o dugu, zaduživanju i garancijama u Federaciji BiH („Službene novine F BiH“, br. 86/07, 24/09 i 45/10), kojim je propisano da su javna preduzeća, u smislu ovog Zakona, privredna društva, organizacije i ustanove koje pružaju javne usluge i javni servis, a osnovane su posebnim propisom, zatim u članu 5. istog Zakona kojim je propisano da se odredbe o načinu i postupku kreditnog zaduživanja odnose i na gradove i vanbudžetske fondove, te u članu 7. Zakona kojim je propisano da se gradovi i općine mogu dugoročno zaduživati ukoliko u vrijeme odobrenja zaduženja iznos servisiranja duga koji dospijeva u svakoj narednoj godini, uključujući i servisiranje za predloženo novo zaduženje i sve zajmove za koje su izdate garancije grada i općine, ne prelazi 10% prihoda ostvarenih u prethodnoj fiskalnoj godini,

- u članu 35. tačka 1) Statuta Grada Bihaća („Službeni glasnik Grada Bihaća” broj 13/15), kojim je propisano da Gradsko vijeće u okviru samoupravnog djelokruga, između ostalog, odlučuje o davanju saglasnosti za zaduženje pravnih subjekata kojima je osnivač i

- u članu 132. tačka b) Poslovnika Gradskog vijeća Bihać („Službeni glasnik Grada Bihaća” broj: 3/16) kojim je propisano da Vijeće u okviru svog djelokruga, između ostalog, Zaključkom daje saglasnost ili potvrđuje pojedine akte kada je to propisom određeno.

*Razlozi za donošenje:*

Članom 70. stav 2) Statuta JKP “Komrad” d.o.o. Bihać-prečišćeni tekst (“Službeni glasnik Grada Bihaća” broj 7/15) propisano je da Uprava Društva nema ovlaštenje za zaključivanje ugovora ili niza vezanih ugovora čija stvarna ili procijenjena vrijednost prelazi iznos od 10.000 KM, bez prethodne pismene saglasnosti većine članova Nadzornog odbora.

S tim u vezi, a radi zaštite tekuće likvidnosti preduzeća, Nadzorni odbor preduzeća donio je Zaključak broj: 1377/18 od 24.04.2018. godine kojim je zadužio Upravu JKP “Komrad” d.o.o. Bihać da poduzme prethodne radnje u cilju pribavljanja pismene saglasnosti gradonačelnika da će učestvovati u finansiranju otplate dugoročnog kredita za nabavku sredstava-radnih mašina za potrebe JKP “Komrad” d.o.o. Bihać, a koja saglasnost je i pribavljena dana 23.07.2018. godine, u smislu da će Grad Bihać, pored redovnog plaćanja obaveza nastalih po osnovu realizacije Programa obavljanja djelatnosti zajedničke komunalne potrošnje, preuzeti i obavezu dodatnog izdvajanja sredstava na mjesečnoj osnovi za izvršenje već ranije stvorenih obaveza iz Programa ZKP-a,

Pored navedenog, Odlukom Nadzornog odbora JKP “Komrad” d.o.o. Bihać, broj: 1376/18 od 24.04.2018. godine odobrena je i dopuna Plana nabavki roba, usluga i radova JKP “Komrad” d.o.o. Bihać za 2018. godinu, na način da se odobrava javna nabavka polovne radne mašine-traktora čija je vrijednost procijenjena na 29.900,00 KM, te bankarske usluge odobravanja dugoročnog kredita u iznosu od 400.000,00 KM, za nabavku sredstava-radnih mašina za potrebe preduzeća.

Imajući u vidu gore navedeno, kao i činjenicu da je preduzeće u 2017. godini poslovalo sa neto dobiti u iznosu od 167.493,22 KM, Nadzorni odbor preduzeća je dana 10.09.2018. godine donio Odluku broj: 2453/18, a Skupština preduzeća dana 12.10.2018. godine Odluku broj: 2741/18 kojom se odobrava kreditno zaduženje JKP “Komrad” d.o.o. Bihać u iznosu od 360.000,00 KM, na period od tri godine, sa kamatom koja će biti određena Ugovorom o kreditu koji će se zaključiti nakon provedenog postupka javne nabavke, i iste su dostavljene Osnivaču radi pribavljanja saglasnosti.

*Potrebna finansijska sredstva:*

Za provođenje ovog Zaključka u Budžetu Grada Bihaća nije potrebno obezbijediti dodatna finansijska sredstva.

Radi navedenog, predlažem Gradskom vijeću, da nakon razmatranja, usvoji Zaključak o davanju saglasnosti na Odluku Nadzornog odbora JKP "Komrad" d.o.o. Bihać, broj: 2453/18 od 10.09.2018. godine za kreditno zaduženje JKP "Komrad" d.o.o. Bihać, kao u predloženom tekstu.

Obradivač:

Elvira Hadžić, dipl.pravnik

Prilog:

- 1.Prijedlog Zaključka o davanju saglasnosti na Odluku NO, broj: 2453/18 od 10.09.2018. godine za kreditno zaduženje JKP "Komrad" d.o.o. Bihać,
- Zaključak Nadzornog odbora JKP "Komrad" d.o.o. Bihać br. 1377/18 od 24.04.2018. godine
- Odluka Nadzornog odbora JKP "Komrad" d.o.o. Bihać broj: 2453/18 od 10.09.2018. godine
- Odluka Nadzornog odbora JKP "Komrad" d.o.o. Bihać o izmjeni Plana nabavki roba, usluga i radova za 2018. godinu
- Odluka Skupštine JKP "Komrad" d.o.o. Bihać, broj: 2741/18 od 12.10.2018. godine
- Akt JKP „Komrad“ d.o.o. Bihać, br.2064/18 od 11.07.2018.godine

Gradonačelnik  
Šuhret Fazlić

**BOSNA I HERCEGOVINA**  
**FEDERACIJA BOSNE I HERCEGOVINE**  
**UNSKO-SANSKI KANTON**  
**GRAD BIHAĆ**  
**GRADONAČELNIK**

Služba za komunalne djelatnosti, vode i zaštitu okoliša

Broj: \_\_\_\_\_/18

Bihać, \_\_\_\_\_2018.godine

Gradsko vijeće Bihać

- o v d j e -

**PREDMET:** Prijedlog Zaključka o davanju saglasnosti na Odluku Nadzornog odbora JKP "Komrad" d.o.o. Bihać , broj: 2453/18 od 10.09.2018. godine za kreditno zaduženje JKP "Komrad" d.o.o. Bihać, stavovi i mišljenja, dostavljaju se

U vezi sa dostavljenim Prijedlogom Zaključka o davanju saglasnosti na Odluku Nadzornog odbora JKP "Komrad" d.o.o. Bihać , broj: 2453/18 od 10.09.2018. godine za kreditno zaduženje JKP "Komrad" d.o.o. Bihać, dajemo sljedeće mišljenje:

Članom 70. Statuta JKP „Komrad“ d.o.o. Bihać propisano je da Uprava javnog preduzeća ima nadležnosti da zaključuje ugovore u ime Društva, ali nema ovlaštenje za zaključivanje ugovora ili niza vezanih ugovora čija stvarna ili procijenjena vrijednost prelazi iznos od 10.000 KM bez prethodne pismene saglasnosti većine članova Nadzornog odbora.

S tim u vezi, a u cilju nabavke polovnog specijalnog višenamjenskog vozila, polovnog kamiona sa korpom-autokorpom, polovne radne mašine-traktora i nove autočistilice, Nadzorni odbor javnog preduzeća poduzeo je potrebne aktivnosti i dana 24.04.2018. godine donio Odluku broj: 1376/18 kojom je izmijenjen Plan javnih nabavki za 2018. godinu, u smislu da je u Plan uvrštena nabavka usluge odobravanja dugoročnog kreditnog zaduženja. Na sjednici Nadzornog odbora održanoj dana 10.09.2018. godine donešena je Odluka broj: 2453/18 kojom je Nadzorni odbor odobrio kreditno zaduženje javnog preduzeća u gore navedene svrhe, o čemu je svoje mišljenje dala i Skupština preduzeća na sjednici održanoj dana 12.10.2018. godine usvajanjem Odluke o odobravanju kreditnog zaduženja, broj: 2741/18.

Pored navedenog, ističemo da je JKP „Komrad“ d.o.o. Bihać dana 26.04.2018. godine dostavilo ovoj Službi Revidirani Plan poslovanja preduzeća za 2018. godinu, kojim su planirana nova investiciona ulaganja za nabavku radnih mašina, a za koja se sredstva trebaju obezbijediti putem kreditnog zaduženja. Predmetni materijal je kompletiran i dostavljen dana

15.05.2018. godine Službi za stručne poslove Gradskog vijeća radi uvrštavanja istog na sjednicu Gradskog vijeća,

Obzirom da je na Izvještaj o radu i poslovanju JKP „Komrad“ d.o.o. Bihać za 2017. godinu Gradsko vijeće dalo saglasnost Zaključkom broj: GV-02-87 od 21.06.2018. godine, a Zaključkom broj: GV-02-127 od 24.07.2018. godine saglasnost na Odluku Skupštine preduzeća o rasporedu neto dobiti za 2017. godinu u iznosu od 167.493,22 KM, te da se u konkretnom slučaju radi o investiranju neophodnom za održavanje, unapređenje i razvoj poslovanja JKP „Komrad“ d.o.o. Bihać, mišljenja smo da je kreditno zaduženje preduzeća u navedene svrhe opravdano.

Prilog:

- Izvod iz Revidiranog Plana poslovanja JKP „Komrad“ d.o.o. Bihać za 2018. godinu
- Zaključak Gradskog vijeća broj: GV-02-87 od 21.06.2018. godine
- Zaključak Gradskog vijeća broj: GV-02-127 od 24.07.2018. godine

Obrađivač:

Elvira Hadžić, dipl.pravnik

Pomoćnik gradonačelnika za komunalne

djelatnosti, vode i zaštitu okoliša

Jasmin Stambolija, dipl.pol.

Dostaviti:

1. Naslovu
2. Ovoj Službi

Na osnovu člana 5. i 7. Zakona o dugu, zaduživanju i garancijama u Federaciji BiH („Službene novine F BiH“, br. 86/07, 24/09 i 45/10), člana 35. tačka (l) Statuta Grada Bihaća („Službeni glasnik Grada Bihaća“, broj: 13/15) i člana 132. tačka b) Poslovnika Gradskog vijeća Bihać („Službeni glasnik Grada Bihaća“, broj: 3/16), Gradsko vijeće Bihać na \_\_\_\_\_ sjednici održanoj dana \_\_\_\_\_ 2018. godine, donijelo je

## Z A K L J U Č A K

o davanju saglasnosti na Odluku Nadzornog odbora JKP “Komrad” d.o.o. Bihać broj: 2453/18 od 10.09.2018. godine za kreditno zaduženje JKP “Komrad” d.o.o. Bihać

### I

Daje se saglasnost na Odluku Nadzornog odbora JKP “Komrad” d.o.o. Bihać, broj: 2453/18 od 10.09.2018. godine za kreditno zaduženje JKP “Komrad” d.o.o. Bihać.

### II

Ovaj Zaključak stupa na snagu osmog dana od dana donošenja i objavljuje se u “Službenom glasniku Grada Bihaća”.

Broj: GV  
Bihać, \_\_\_\_\_ 2018. godine

Predsjedavajući Gradskog vijeća  
Davor Župa